



Foto

Verhalenbankjesroute: Het Zuiden

een boerenhuus, een bongelt; op de veurgrond
een karrespoor met koe'len, en rog op het land;
tuten en zo'n kon-van-alles-wèzen kefhond:
mien plek zo maor in de Gelderse krant

bi'j een verhaal aover landbouw en verkaveling:
rooien van hegges, liektrekken van sloten,
hoe al 't grei op 't land in maïs aover ging
en wi'j met de hand nog eapels pootten.

ruilverkaveling, wat was dat ok al weer?
en hoe heitten toch den plaatselijke krant
den al lang in snippers uut mekaar is gewaei'd?

blijf mien, in zwart-wit, een flinterdunne band
met dat ens zo umslaoten keuterboerenland:
stuksken grond dat veurgoed is um gespaei'd.

Herman Erinkveld

uit de bundel 'Oerseweg'

eigen beheer, Oosterbeek, 1996.